

## **Communicaziun allas medias digl cumegn da Surses (nr. 09-2019)**

### **Surses: La nova suprastanza communal è cumpletta**

**Igl suveran digl cumegn da Surses ò eligia Romeo Poltera scu quart commember dalla suprastanza. Cunchegl tg'ins ò savia occupar tar igl ampren scrutini antschatta otgover angal treis digls quatter posts dalla suprastanza communal, ògl duvro anc en sagond scrutini. L'elecziun è neida fatga all'urna.**

Cun 312 vouschs è Romeo Poltera da Savognin nia eligia scu quart commember dalla suprastanza digl cumegn da Surses. Uscheia è la suprastanza per la nova legislatura digl 1. da schaner 2020 anfignen igls 31 da december 2023 cumpletta. A parteir da schaner sa cumpona la suprastanza damai scu suonda: Leo Thomann, mastral (an uffezi), cun igls quatter commembers Adrian Ballat (nov), Otmar Netzer (nov), Romeo Poltera (nov) e Giancarlo Torriani (an uffezi).

Igls ulteriours dus candidats tgi èn sa mess a disposiziun per l'elecziun ainten la suprastanza communal on contanschia igls suandonts resultats: Madeleine Lienhard da Savognin ò survagnia 228 vouschs e Bruno Weber, mademamaintg da Savognin, ò survagnia 140 vouschs.

Igl ampren da schaner 2020 antscheva la sagonda legislatura digl cumegn da Surses, tgi è naschia igl 1. da schaner 2016 or dalla fusiun da tot igls 9 anteriours cumegns an Surses.

Tinizong, igl 1. da december 2019

**La suprastanza communal Surses**